



San 21 nan - Zuwenkalo -san 1993
A songo : DOROME 10 - N° 257

Kibaru

A be bo kalo o kalo "AMAP" ka yamaruya kono - Hake : 17.000
"AMAP" kuntigi : Gawusu DARABO - Dilanbagaw kuntigi: Basiriki TURE

Politiko jogonbilasira kumaw:

PARITI POLITIKI
CAMANKO DE BE
FANGA KE
JEMUFANGA YE.

(N° 6 ni 7)


NISONGO YE LENPO
YE, MIN NI LENPO
TOW TE KELEN YE
MALI KONO.

(N° 3)

Burudamekele banna Mali kono:

MOGO BOLILENW
SEGINNI
DAMINERA
KIDALI.

(N° 8)



Mogo minnu tun bolila, ka taa tamaniraseti, Alizeri jamana kono, olu seginna ka na sigi Kidali dugu kono.

DNAFLA nOGONDAN

Faso kanw yiriwali siratigé la, balikukalan némogosoba bë jama ladonniya, ko nögondanba dë bëna ke. O nögondan nèsinnen bë baara minnu ma, olu file :

- maanaw, nsiirinw, poyiw, nögolowani kunnafoni werew, minnu bë tali ke i yere kongow an yekow la. Nögondan in bë ke an ka kanw na : Bamanankan, bozokan, bomu (bobokan), dögoso (kadokan), fulakan, mamara (mihankakan), siyenara (senufokan), soninke (marakakan), song (koroborokan) ani tamaseki (burudamekan).

Bëe bë se ka nögondan in ke fo k'a bo mögo damado la, olu ye :

- balikukalan némogoso baarakelaw ;
- fasokan bolofara baarakela minnu bë "I.P.N." na ;
- karamogo minnu bë fasokan kalan ke lakolidenw kun ;
- minnu ka baara nèsinnen bë balikukalanko ma maraw kono ;
- kalankonémogosow la, ani mögo minnu ye balikukalan bolofara némogow ye porozew, "ODR, ONG" la.

Fasokan kelen o kelen na, mögo saba minnu fôrô bë ten ta, olu bë ladiya ni min ye, o file :

joyoro fôrô : sefa baa tan (d. 10.000)

joyoro filanan : sefa baa wooro (6.000)

joyoro sabanan : sefa baa naani (4.000)

Ladiyalifen werew bë di, minnu ye gafew ni senekeminew ani gadonminew ye.

Aw bë fen minnu seben nögondan in hukumu kono, aw bë se ka na n'u ye, walima k'u ci balikukalan némogosoba la, negejurubuwati nimoro ye 62, Bamako Kuluba sira kan, "ENA" lakoliso kerefe

(DNAFLA - BP. 62 - BAMAKO)

Aw ka fen sebennew mineli dan ye san 1993 nténendon zuluyekalo tile 12 ye.

Nögondan jaabiw bë fo jumadon, utikalo tile 6, san 1993

Bamako, maristikalo tile 11, san 1993

Balikukalan némogosoba némogo

Sayidul Wahabu TURE.

Kabini Peresidan Alifa Umaru KONARE sigira fanga la, san 1992 Zuwenkalo la, a ka layidu talen fōc kera lēnpo binni de ye, k'a jira ko lēnpo wali nisōngō te sara fangaso ye tugun, Mali kōnō.

Lēnpo ye mun ye? A suguya ka ca. Nka, mōgō kalanbali caman b'a jate nisōngō dōrōn de ye.

Nisōngō ye lēnpo dō ye. A te se ka bila lēnpo wərew nō na, i ko hadamaden bolofen caman lēnpow, n'o ye dugukolow, baganw, baara kēminēnw ani maramafēnw ye.

O siratige la, jagokelaw, forobabaarakelaw, izinitigiw, bolifentigiw ni kēnēreye baarakelaw bēs bē lēnpo sara fangaso ye san o san.

O siratige kelen na, dugu mōgōw bē lēnpo dō sara dugu yiriwali kama. O lēnpo bē wele ko «takisi de dewelopeman», min bē lajere kubeda la, k'a kē duguw yiriwali baaraw musakaw ye.

A kera cogo o cogo, hadamaden nisōngō (lēnpo) n'a bolofenw lēnpo te kelen ye. Lēnpo min binna Mali kōnō, o

CNCSIN YE LENPO YE, MIN NI LENPO TOW TE KELEN YE MALI KONCO.

ye hadamaden nisōngō ye. Demokarasi fanga y'a jira ko Mali kura, jemufanga bē Mali min fangaso walew latemēn, n'a sigira jekawale hukumu kōnō, ko Mali baara musakaw man kan, tugun, ka kē ni Malidenw yerew nisōngōw ye. O ye gasisigi wale ye, min bē Mali jamana kunkorota, k'a fangaso kunnawolo, bawo, a bē hadamaden bonya n'a danbe jōyōrō girinya jira fasoko la.

Musa Tarawele ka yere-sago fanga binnē kō, n'a fōra, fanga kura nēmōgōw fe, ko jamana baara musakaw te kē tugun ni jamana denw nisōngōw ye, o ye wasako ani nisōndiyako ye. A bē doni girinba bō mōgōw kun, sanko kungo kōnō mōgōw, minnu ka sōrō bennē b'u ka denbayaw dōrōn de musakaw ma,

n'u bē segēn suguya bēs kē nisōngō nini na, k'a sara joona, walasa k'u kisi fangaso ka lajaba walew ma.

Fēn minnu tun bē da mōgōw kan, nisōngōko la, o dogolen te Maliden kelen si la. Wa, a nafolo fana tun bē minē, manumako kōnō, k'a don da bēs fe, fo jamana denw magonēdaw. N'o nisōngō saraliko dabila, o walenumandōn ka kan, ka kē Mali kura fangaso ye.

O walenuman sara te dōwēre ye lēnpo tōw sarali kō. An bēs ka kan, k'an jija, ka ko bēs kē, walasa ka lēnpo tōw ni takisiw sara, nōgoya la, n'a ma kē ni karabali ani lamaloyali walew ye. N'o kera, k'o b'a sira fe, fangaso bē nafolo sōrō min bē bila nisōngō binnē nō na, ka jamana baara musakaw kē n'a ye.

An ka kan, o la, k'a faamuya, ko nisōngō binni bē «wo» de bila faso nafoloko kēsu la, «wo» min te se ka geren, lēnpo ani takisi tōw nafolow kō. N'o yōrō faamuyara, a wariw sarali te digi mōgō si la, tugun, Mali kōnō.

Kibaru kalanbagaw n'a

Tabakoro laje

Lajeba dō kera tabakoro, fijé ni funteni jateminé cakeda fe, n'o be wele Agorometewo. K'a damine marisikalo tile 29 la, k'a bila awiri-likalo tile 2 san 1993 la k'a jësin Kulukoro mara kafo naani cikelaw ka soro yiriwali ma: Kangaba, Kati, Kulukoro, ani Bananba.

Kolokani nj kita kono, O.D.I.M.O lajeba in sigira sen kan, walasa k'a don, agorometewo ni nin dugu kofolen senekelaw ye baara ke nognfe san 3 temennen in kono; walasa k'a don baara in kera cogo min na, geleya min yera baara in na, nafa min yera baara in na, faamuya min soro baara in na. Agorometewo némogow: ka bo farajela (SUWISI Jamana) kono, ani "SILISI" n'o ye Saheli Jamaw ka ton ye, o némogo min sigilen don Name Nizeri jamana kono, ani Mali pankurunjigin yoro min be Senu, o baarakelaw ka némogo, ka fara Agorometewo némogow kan, minnu be Mali kono, olu ye tile duuru. baara ke ni cikelaw ni cikelakolidenwy, k'u hakilinawjira nogn na Agorometewo baara kelenwnibaara natawkecogokan. Kuma caman fora laje in senfe, ben kera min kan. Ujera k'o ke sebenba kelen ye. A jirala ko: dō bëna fara Agorometewo baara kan, seneke duguw la, k'a jësen Mali yoro caman na.

Anw koni senekelawdar'la, baara in bëna taa ne, k'a sabati. Mun na? Hakili min be némogo ninnu na, o de koson baara in te to ko abada. Kumadonsow ko: "mogobe fen bee dun ka i ka dunan to, fo kolosili". Anw ye tile duuru (5) min ke Tabakoro, danfara ma don anw ni faamaw ce, foyi kelen na. An bee

be si so suguya kelen kono; an bee be ko négén suguya kelen kono; an bee beda dalan suguya kelen kan; an bee be sigi tabali kelen kunna, ka dumuni suguya kelen dun nognfe.

Anw minnu ye balikukan karamogow ye, anw ka baara ye forosuma, ni forokolosili ani sanjisuma n'o nognaw ye. Tile tan o tile tan, anw b'o seben ci an ka némogosow la. Olu fana b'o ci Bamako Arajo-Mali la. O tuma jamana fan bee be bo a kalama. Laje in daminedon, a baara kunfolo kera "Hamudalayi" santiri islamiki la, . A némogoya tun be Minisiri Sanba Sidibe bolo.

A kuncedon, Minisiri Naani (4) tun be akené kan Awirilikalo tile 2, san 1993, n'o ye : Sanba Sidibe, Seyidu Dirisa Taraweles, Kadari Banba ni Jóngunda Taraweles ye.

Negeta Kulubali,
balikukan karamogo
Banani, Dunba
Kulukoro (Mali)

Ka bo Safo

Anw ka dugu kono Safo yan, samiya nesigili baaraw daminera. Ne b'a nini senekelaw fe u ka sijolan nini sanni danni ce.

Taratadon awirilikalo tile 13 san 1993, Safo cew bee bora ka taa baara ke musojiginso la.

Arabadon awirilikalo tile 14, Safo musow bee bora ka taa musojiginso ko k'a saniya.

Hakilina caman be Safo musow la dugu yiriwali nasiraw la. U be deme nini bee fe, a mana ke fen o fen ye. Dörôme man ca, baa kelen man dogo. N be safo dugutigi fo, a n'a cew n'a musow.

Ngolo Kulubali,
senekele ka bo Safo.

An k'an miiri dooni !

Kiiri min kera an fe yan n'o ye fanga koro mogow ka kiiri ye, o be mun de jira an na malidenw : halisa an ka yaafa nini ke nognfe, an ka an miiri mali sini kow la, n'o te, an juguw beyele an na. Dije bee sigilen k'an laje kiiri ko in na. An juguw ka ca u la. E ! malidenw ! n'an m'an cogo don, antogokoro be tunun an na.

«kirimu de san» min file n'an k'a majolibon kiiri, a fijema yoroka ca. Nka bamananw ko : n'i y'i ka wulu-juguw bee faga, dota b'i kin fi kolo. Malidenw, an ka sabali. Kabini fanga koro binna, fanga te bona tuguni. O ye demokarasi numan ye wa? An ka je, an ka maliba in bo nogo la, an juguw ka malo, an yere kana malo an juguw cema. Ala k'an kisi mali tilabagaw töro ma.

Amadu Sunkara
Kapala molobala,
Kucala (Mali)

Ka bo Npeseribugu

Ne Mamadu Jara nisondiyalen be bataki ci kibaru ma, ka bee lajelé fo. Kibaru ye jemukan ye min nafa ka bon mali kono kosebe. A be ke sababu ye, k'a to duguw ka nogn kibaruyaw soro.

O siratige la, ne b'a nini némogow fe, u ka se ka do fara a jemukan wagati kan, kibaru jemukan kana to fobali ye.

Nbe foli lase Dugukolo Jara ma, animateri don npeseribugu, ani Numu Sinpoba bankoni na bamako.

Mamadu Jara, animateri
Npeseribugu
Masantola - Kolokani (Mali).

Kanubagaw kuma yoro

KO BEE N'A TUMA DON

Hadamadenw bë ka ko bëe nagami k'o turu da ko: "Ko bëe n'a tuma don" kun.

Cékrobaw ko bi denmisénw man ni.

Musokorobawko bi denmisénw man ni.

Cémancela moggow ko bi denmisénw man ni. Bi denmisénw yérew ko bi maakorow te maakoroko ke.

An bëe lajelen faralen nögón kan, a bë fo an ma bimoggow. O bimoggow yérew b'a fo u yérew ma ko: bi moggow man ni.

Ne b'aw nininka bi jumen de ka ni? Ib'ayekobëe b'i ka ketawto yen ka këbaliw ke. An tilala ka këbaliw sutura ni nin kan ye: "ko bëe n'a tuma don".

An kelen bë ka sira caman de bila, ka tugu "ko bëe n'a tuma don" ko. An ka kòlosili ke, an b'a ye ko n'a bora Alà ka diine la, ko: "Ko bëe n'a tuma don" man kan, k'an ka ko caman bosi an na.

Ka bɔ Konu

Nteriké Sedu Male, nbe nin bataki in c'i ma walasa i ka faamuyaliba soro balikukan na la, i fana ka ke yeelen ye ka ntëbugukaw bɔ dibi la. Baara o baara, ni moggob'a ke, i b'i kofile walasa i kana fili. O te ke f'i ka kalan. Ni moggomin kalan-na an ka faso kanw do la kelen na, o ni kan wérew, i bë faamuyali soro teliya la ka temen kalanbali kan. Anw ka dugu la bi, an ye kalanso fila jo: Cew ta ani musow ta. ka-

lanje, sëbenni ani jate, o te moggó kónoganko ye bi.

Kosa in na, an ye dögötöröso ani jiginiso jo an ka dugu foroba wari la. Cemisen kelen ani musofurulen fila, olu y'o kalan ke. Kalandenjolen moggó biwooro bë soro an fe yan, muso fara ce kan.

Ni Ala sonn'a ma, an bëna kalan wëre k'u kun, min bë boli gafedilan kan. Nka foli b'i ye

Mamari Konaté
Konu duguyiriwatón némogó.

Cé farin ma man di fo kojugu ke don

A san 23 file nin ye

An tun bë töörö bilen jahanama kono, Kabini san kura jora 1991, Fa donna deli la, ka nögonye kón. E Ala! Tanto Masa, N bë nin masiba walew wele cogodi sa?

Jahadi wa, balawu wa, fitiné wa? A ka jugu n'o bëe ye,

An ye mun kelenpe ke sa? n'an bë fana ni nin bñew ye. El Yuruku-yuruku fanga,

Y'an ka kéléjama kélékèce dòw Jérokin k'u bila an na,

Ko maaw ni min ka kan,

Ka fu siri,

O nininkali kojuman, O soroli kojuman,

O lakanani kojuman, dan na. Ko n'o te Alikiyama jahanama,

bë siri an kun na.

Zanwuyekalo tile 21, 22,

Fanga yéredonbali

Ye, muguci denmisénw na,

Jamana marayorow, ni kafo 13 kono,

Murutili dagaba, wulila,

Sabali galama karila, Marisikalo tile 22,23,24. Katabanani dabora. Néjibomugu cira Marifaw kumana Gidi! gidi! gidi! gélekisew jensenna, Dankari gerenadiw, Lakana gerenadiw pérenna Beridemuw kulu-kuluto, Be kise fiye k'a b'u da, Saya fuga kéné kan, Denmisén caman kéra fure ye. Moggó 500 bñonko ye diñe to. 1000 ni ko joginna

Bamako, saya kójí woyora, "Sahelibinkéne" tögola butikiba kono, Ta wulila moggow la, K'u sisi i ko finfin

An yére ka arime kélékècew dòw fe, Silatununkise cilen denmisénw na, O ma to to wolobaw la.

Baw fana bora, Néji bë sanji jigin Sukule bë kela K'olu jigi karila, K'olu néjjoyoró somayélemana. Saya don, balo te yen, Balo don, saya te yen.

Denw binna ni kélékalamognon ye yoró min na, Wolobaw y'a ta yen, k'uni di, danbe koso, höranya koso, Wolofaw, köröw, dögow Ye baara bëe lajelen jo furuu! K'u kogo da fanga nimakarato kogo la

K'a nitige cew! N'an ka soro dasi jalabatigi Ni jalabatigi dankan kankelentigiv Ka demen ye.

Mohamedi Kone
Lakolikaramogó,
Négo Saheli kafo (Mali)

Politikiko njogonbilasira kumaw

A bë fo ko: Mogo kelen, hakili kelen; mogo caman, hakili caman. O kuma ni pariti politiki camanko ni jemufangako de bë da njogon ma, n'a bë wele ko demokarasi.

N'an ye jemufanga koro laje, an b'a ye ko mogo kelenko te. O yoro la, an b'a faamuya k'a sinsinnen bë je ani ben de kan, fanga walew latemenni na.

N'o te pariti politiki bëe kuntilenna ye kelen ye : a bëe be fanga de nökan ; a bëe be fanga nini n'u senw n'u bolow ye. A kelen si te doweret ta neli fe. Kumalasurunya la, politiki këkun ye fanga soro de ye. Fanga dun te soro pariti politiki ko.

Nka, demokarasiko basigili kosoñ, pariti politikiw bë son, ka fara njogon kan, ka jamana fangaso baaraw ke njogon fe. O faranjogonkan yere de ye demokarasi jujon ye, n'an b'a wele ko forobafanga, wali jemufanga, min ka surun jekafö ni jekawale ani jekabaara la. N'o je ma sira soro, fanga bë ke «mogo-kelen-fanga», pariti-kelen-fanga» ye, i ko Musa tile la. N'o je ma sira soro, fanga bë ke «yeresago-fanga» ye. Ote demokarasiye. Ote jemufanga ye. Musatile temennen ko, mogo si te Ala deli o fanga su-guya la tugun. Min kera Musa yere binkun ye, mogo si te son, k'i sigi, o njogon dilanni kene kan tugun. fanga si te sigi Mali kono tugun, min b'a sago ke.

O de kosoñ, pariti politikiw farala njogon kan, walasa, kene kelen kan, bëe da ka don faso baara kumaw la. O bë siganjogonna bo kow la, k'a masoro, hadamaden da ka gelen fen na, min ma jutige a nena. O b'i n'a fo fangaso nafolokow n'u njogonnaw, siga bë se, ka ke minnu doncogow n'u bocogow la.

Nka, ni bëe da b'a la, o bë kow lajeya, ka dogojogonna ni nanbara b'u la, ka tilennenya basigi, min laban ye dannaya ye. N'o kera, fangaso mogow bëe bë kan kelen fo, ka wale kelen ke. Jamana baaraw neli n'u tijeli bë ke «bëejeko» ye. Mogo kelen si t'a togo duman n'a togo goman ta.

FANGASO TAAMASEN : JEKAWARE

Sisan, Mali jamana fangaso, n'o ye Goferenaman ye, a n'o mogow, n'olu ye ministriw ye, olu bëe bë sigi jekawale de hukumu kono, min kera fangaso taamasen ye, kabini san 1991 Marisikalo tile 26 murutiba kera. Bëe y'a don k'o murutiba kera yere-sago fangako dabilali de kama.

O siratige la, fangaso tun te se ka sigi kan were kan, min te jekawale ye. Alifa ka fanga Goferenaman folo, n'o Minisiri folo tun ye Yunusi TURE ye, o sigira o de kan. Pariti «ADEMA» temennen ko, pariti werew minnu tun b'o Goferenaman na o ye: «US-RDA» ani «PDP» ni «RDT» ye.

Pariti tow, minnu tun t'o Goferenaman na, olu ka körötigeli kumaw n'u ka senkörömace walew ma kun Yunusi ka goferenaman na, min sigira san 1992 Zuwenkalo la, ka bin san 1993 Awirilikalo la, i ko kalo 10 hake furancé kono. O Goferenamanka sisorobaliya sababu kera pariti politiki caman sendonbaliya de y'a la, sankon pariti minnu dalen b'u yere la, fanga latemenco juman sira kan, n'u ka mankanw ma kötigé, fo Goferenaman folo binneñ k'o, k'a falen Goferenaman were la, n'o kera filanan ye min Minisiri folo ye Abudulayi Seku SO ye.

Nka, Goferenaman fila si ma sigi «MFUA» ka mogosugandilen ko, n'oye Malikénekanyanfan

Pariti politiki camanko de bë fanga ke jemufanga ye

mogo murutilen köröw ka jekulu ye, i ko minnu sonna, ka kélé ani binkanni dabila, ka fara jamana fangaso kan, ka faso yiriwa, bën sira-tige la. O jekulu te jate pariti politiki ye. A ka mogo sɔrɔli Goferenamanw na, o ye kelenya wale ye, k'a jira kejekanyanfan mogo murutilen köröw la, ko Mali man kan ka dilan, u yerew fana kɔ. Taalen ne fe, pariti politikiw bë se ka sigi kejekanyanfan fe. An ma s'o yɔrɔ ma fɔlɔ, bawo, kélé ye tijeli minnu ke, olu ma lakuraya fɔlɔ.

POLITIKI BAARA NI SFNKɔRC JUGUYA

Ni wote kera pariti min ka mogo sugandilenw mana caya ni tow taw ye, o de bë fanga karafejuru min. O cayaliyɔrɔ, n'a bë wele ko «mazorite», o bë ye mériw, depiteso ani Guverenaman hake kelen-kelen bëe la. Ni mazorite bë pariti min bolo, o bë fangabolow sigi, k'olu nɛmogoya d'a ka tɔndenw de fɔlɔ ma. O bë faamuya, k'a masɔrɔ nɔgɔnɔt sira fe. Mogo minnu bë pariti kelen na, n'u ye baara ke nɔgɔn fe, ka fanga sɔrɔ, olu bë nɔgɔn faamuya, fangako la, ka temen pariti wëre mɔgɔw kan, hali n'u y'u bolow di nɔgɔn ma, jekabaara kadara kɔnɔ.

Akera cogo o cogo, kelenya ani fadenya te se, ka bɔ pariti mazoriteri ni pariti tow ni nɔgɔn ce. O de bëna ni politiki baara n'a senkɔrɔ juguya ye. Kuma minnu bë fɔ ani wale minnu bë ke, olu te nɔgɔn sira la. Walé jugu bëe bë ke, ka fangaso n'a nɛmogɔw finɛmayɔrɔw da kene kan, ka mɔgɔw hakili sonya, k'u bila fangaso la gansan, walasa, a ka fɔ ko fanga desera. N'o

kera, «k'a ne», mɔgɔw bë muruti, ka taamaw, kariliw ani jeniniw ke yɔrɔ bëe. Tijeli tigintanw bë ke. Biñekala nininaw sen bë biñekala kan. O bë ye cogo di ?

Nka, politiki de ye politiki ye : a ko si kelen jelen te. A kuma kelen si te tijε ye. A wale kelen si te ke gansan.

O de kɔson, Peresidan Alifa Umaru KONARE yere y'a jira ko mogo senkɔrɔmacelén te dɔwɛre ke senkɔrɔmaceli kɔ. Nin ye kuma kɔrɔma ye, min bë mogo sɔn hakili la, k'a jira ko n'i ye hadamaden sɔrɔ, ka fən min k'a la, n'a yere y'i sɔrɔ, a b'o fən nɔgɔn k'i la, min ka jugu n'i ta ye...

Mankan fən o fən bë ka ke Mali kɔnɔ sisani, a bëe ye fanga nɔkan mankan de ye. Politiki mɔgɔw bë don mɔgɔw kan, k'u kɔnɔrɔsuruku, k'u bila nɛmogɔw la, cogoya la, u yerew tɔgɔ te ye min na. A jirala k'u donna baarakelaw kan; ka don lɛkɔlikaramɔgɔw kan; ka don lɛkɔlidew kan; ka dɔn musow kan. Farali minnu bɔra o walew la, o ma dogo mɔgɔ si kelen na. O jekulu te sɔrɔ sisani ni min tɔndenw tilalen te pariti politikiw ce. Dɔw bë ADEMA la, dɔw bë CNID, US-RDA, BDIA, PDP, RDP, RDT, UFD, UDD, PSP ani pariti wërew, minnu ka ca ni ba n'a siw ye. An b'a f'o de ma ko demokarasi, min b'an wajibiya, ka faso baara nɔgɔnfɛ, k'a sɔrɔ, an te pariti kelen na. A ko mɛen o mɛen, a na se kungo-kɔnɔ-mɔgɔw ma. N'a yere selen t'u ma, ka ban...

Amadu G. KANTE.

BURUDAMEKELE BANNA MALI KONO: MOGO BOLILENW SEGINNI DAMINERA KIDALI

Mali keñekanyanfan kèle n'a binkanniw n'a fagaliw tun kera mogo caman bolikun ye, ka bɔ Mali jamana kono, ka t'i ñemadogo kerefe jamana dɔw kono, i ko Alizeri, Senegali, Moritani, Nizeri, Burukina, Kodiwari, Gana ani yɔrɔ caman werew.

Kabini bolonow bilala benkansében na, Mali fangaso ni burudame murutilenw ni ñogon ce, san 1992 Awirilikalo tile 11 don, min ye kèle ni binkanni ani fagali dabilali sementiya Mali keñekanyanfan bëe kono; kabini burudame keletigiw farala ñogon kan, ka kejekulu kelen ye, n'o bë wele ko «MFUA», ka son, k'u bolo di fangaso ma, hère ni lafiya ani ben ni yiriwali sira kan; kabini dannaya basigira Mali keñekanyanfan kono, k'a da benkansében kono labatoli konumankan, mogo bolilenw ye seginni damine, ka n'u faso kono, n'o ye Mali ye.

O seginso wale bë burudamekèle banni de jira, Mali keñekanyanfan bëe kono, bawo, mankan banna; mugu ni kise matunna; donkabo bë ke lafiya kono; hadamadenya basigira; yiriwalikow ni ñetaakow bolodara. Kuma lasurunya la, «yεrlafili-kèle» labanna, ka ke «yεrεjini-kèle» ye.

A bë se ka fo, ko Malidenw ye ñogon nini, ka ñogon sɔrɔ, sigi-ka-kuma kadara de kono, bawo, bëe dara a la, ko mugu ni kise, binkanni ani fagali te kolabantaw ye, k'a d'a kan, olu bë jamana nagasi, fo k'a segin kɔ. Mogo

si kelen ka hère t'o la. A bë se ka fo ko Malidenw y'u ka kelennyà nini, k'a sɔrɔ kunkɔrɔta kono, bawo, a bë fo, ko fili man jugu; ntë segin nkɔ de ka jugu. Mali keñekayanfan burudame keletigiw ye mugu ni kise bila k'a kuma fo, k'a wale ke, bëe y'a ye, ka d'a la, Mali kono an'a kɔkan.

O de kɔson, san 1993 Mekalo tile 21 don, du 49, i ko mogo 162 hake, olu seginna, ka don Mali kono, ka b'u ñemadogo yɔrɔ, n'o ye Tamanirasetiye, Alizerijamana kono. Amogo 162 bisimilala Kidali dugu de kono. A jirala k'u seginna walew labenna Alizeri ani Mali mogo faamuyalenw fe, minnu y'u ka musakaw n'u ka dɔnniyaw fara ñogon kan, k'u ka taamasira ñogoya, k'a diya; k'u sigiyɔrɔ kura laben konuman, k'u ka balokow n'u magoñefenkow bëe ñenabo, walasa nimisa kana k'a seginna na.

Jamakulu min ñesinnen bë mogo bolilenw seginni ma, faso kono, o mogo dɔ y'a jira k'u bë ka mogo werew seginni laben, minnu bëna taa sigi Gawo dugu kono.

O b'a jira ko mogo bolilenw seginni baaraw daminen de ye nin ye, baara minnu te kotige fo n'u fanba bëe donna faso kono, ka b'u ñemadogo yɔrɔ la, k'a sababu ke burudamekèle banniye, Mali keñekanyanfan bëe kono; k'a sababu ke hère ani lafiya, ben ani kelenya basigili ye Mali jamana kono.